

P. 618, L. 2【亦有六瑞】本書 p. 79: 1「此土六瑞、他土六瑞 (p. 86:-5)。初中六: 1 說法瑞。2 入定瑞。3 雨華瑞。4 地動瑞。5 眾喜瑞。6 放光瑞。」

雨華(慧)	雨香(福)	天鼓(教)	天衣瓔珞(行)	燒香供養	旛蓋讚歎
圓妙慧福。自行德		圓妙教行。化他德		圓妙自行化他。同歸極果	

燒香(慧、福)、供養大會(極果)、幡蓋(行)歌讚(教)、次第至梵(究竟四德)。

P. 618, L. 4【四十真位】「真位」：分真(證)即。「似位」：相似即位。分真一圓教初住、別教初地以上。已破一分無明、證一分法性，故云「圓妙慧」。

P. 618, L. 9【四種瓔珞】《妙法蓮華經文句》卷6〈信解品4〉：「真珠瓔珞者，即戒定慧、陀羅尼三昧，四瓔珞也。」(T34,p.82c7-8)《法華文句記》卷7：「究竟戒、楞嚴定、一切種慧、法音陀羅尼，莊嚴圓因四十一地。」(T34,p.279b23-24)

P. 618, L. 6【見應身乃知報身法身】《金剛般若波羅蜜經講義》卷2：「證得本姓名如來，然法身無相，如何可見？可見者即相。即菩薩所見，不過法身所現起之報身；凡夫所見，是法身所現起之應化身。然倘能見應身、報身之非相者，則見如來。故要見性，即從非相而見，不可入於斷滅。」(B07,p.344a8-10)《維摩經無我疏》卷3：「觀解者。觀一心即空，見應身佛。即假，見報身佛。即中，見法身佛。」(X19,p.612b22-23)

P. 619, L. 1【法性虛空】慧遠《大乘起信論義疏》卷1：「言等虛空界者，非是太虛。此是真實法性虛空也。太虛空者，此是事無。雖今無有生滅之相，終歸盡滅，故名無常。豈真識理終滅空等乎。理法之中有真空、真有。然心非空外、空非心外。心非空外故，等虛空界、遍一切處。空非心外故，淨法湛然，故曰真空。問曰：有法還滅可爾，太虛無法，云何更滅？答：以有對故，是無無滅耳。若理尋言，以因感故；因力滅時，終歸滅盡。感因物者，有無齊等，豈無無滅。問：若無常者，何故涅槃經中，諸常法中，虛空為最？答：彼經中最者，今我言法性虛空是也。」(T44,p.183a15-26)《華嚴經探玄記》卷6：「舉二義：一行能破相證入畢竟法性虛空、故云究竟如空；二行能出生無量愛果，如依空現色，色無盡故，云究竟如空。」(T35,p.218a16-19)《首楞嚴經》卷4：「譬如虛空，體非群相，而不拒彼諸相發揮。」(T19,p.120c11-12)《楞嚴經正脉疏》卷4：「彼虛空惟是一味。亦徧亦常。七相(明暗動清濁霾映)各自差別。不徧不常。是虛空與七相非一也。又虛空離彼七相。則無自相。七相離彼虛空。則無自體。是虛空與七相非異也。又正由空非羣相。方能不拒諸相發揮。是由非一故非異也。又正由不礙諸相。方見虛空體非羣相。是由非異故非一也。由是則帝心理事、事事二無礙玄門。及下經文一多大小互現之要樞。皆隱然開發矣。」(X12,p.289b22-c2)

P. 619, L. -5【世尊有大力】《法華經演義》卷5：「謂如來有大自然在神通之力、有師子奮迅之力、有威猛大勢之力。有此大力。故壽命長遠而無量也。言無數等者。謂如來說此不可量之壽命時。而令菩薩得諸功德。如來還為之一一分別其所得。故有無數佛子聞之。而歡喜充徧於身也。」(X33,p.246a13-18)

P. 620, L. 3【無生法忍】據《大智度論》卷八十六載，於聲聞之「八人地3」乃至「已辦地7」、「辟支佛地8」等觀四諦，所證之一切智斷，僅得菩薩無生法忍之部分。聲聞人以四諦得道，菩薩以一諦入道；四諦皆是一諦，分別故有四。以聲聞為鈍根，故觀四諦而得道；若菩薩為利根，故直觀諸法實相而入道。由此可知，無生法忍，即聲聞於入見道位時見四諦之理；菩薩則於入初地時，諦認諸法無生無滅之理，以住不退轉地。—《佛光大辭典》

P. 620, L. -5【無量無漏】《法華經演義》卷5：「若論無漏。二乘人亦能得之。然是有量。不得名無量。以其但破見思而無明全在。但斷分段而變易全存故也。今諸菩薩聞佛說壽。不但破見思。亦且破無明。不但斷分段。亦且斷變易。則更無漏落。故言無量無漏也。既破無明。而斷變易。則能感實報清淨之果報也。」(X33,p.246b4-9)

P. 621, L. 4【天衣旋轉而下】如前「衣」表寂滅忍，「雨衣、垂珠」表化他之行遍覆一切眾生；此處天衣從空「旋轉而來下」，表諸菩薩旋空、旋假入中觀，亦旋中道轉入一切眾生心中，故云「旋轉而來下」，從上方遍於九方。

P. 621, L. 6【眾寶妙香鑪】《法華經演義》卷5：「眾寶香鑪燒無價香者。鑪乃表眾生因心。眾生因心具有如來之三德秘藏。如來三德秘藏元徹乎眾生之因心。如眾寶以成其鑪。鑪則具乎眾寶也。從具而發乎行，如燒。無價香者。表所觀之境是上品寂光也。」(X33,p.245c15-19)

P. 621, L. -6【次第至梵天】《法華經演義》卷5：「次第而上至於梵天者。正表菩薩聞佛說壽量。而能分分破於三惑。分分顯於三德。究竟皆歸第一義天也。妙音讚佛者。正表菩薩既自證已。還能以四辯八音。宣說妙法。以化他也。」(X33,p.246a3-7)

P. 621, L. -2【一切具善根】一松《法華經演義》卷5：「昔所未曾有者。如上種種之供養事。全表本門所得之益。故自迹門已還。皆無如此能表之供養事也。具善根者。即是具緣、了二因之善根。聞佛所說長遠壽量。能依之而起微密之妙觀。乃是成於了因。能依之而起廣大之妙行。乃是成於緣因。緣、了既成。正因自顯。故言以助無上心也。以上本門正宗分已竟。」(X33,p.246c1-7)